

Soncienz Vahcuengh Doeg Seigeq

传教壮语读古诗

8 nyied 29 hauh, Guengjsae Lijyi Cienzyiengz Gyauyuz cingj boux canghraiz Sawcuengh Cungh Hihcwnggh bae son hagseng doeg seigeq 《Haemh Gag Ngeix》、《Bin Hwnj Gvancozlouz》. Ngamq haidaeuz, gyoengq lwnyez roxnyinh Sawcuengh daiq hoj doeg lai, hoeng gyoengqde cunglij yied hag yied roengzrengz, mbouj daengz ngoenz ndeu, couh ndaej yungh Vahcuengh biucinj caemhcaiq daiq miz biujcingz dwk doeg song souj seigeq neix.

Mbat Vahcuengh doeg seigeq hozdung neix, hawj vunzraeuz ndaej yawjraen Vahcuengh mizmuengh daih doek daih cienz roengzbae.

(Vangz Mungswih/黄梦思 Vangz Luyih/黄露漪)

► Sonhag Sawcuengh.



Gunghcwngz: Denlij Haihag Mbouj Ityiengh

恭城：不一样的开学典礼

9 nyied 3 hauh banhaet, youq aen cauhcangz Gunghcwngz Yauz-cuz Swciyen Minzcuz Sizyen Cuhcungh, gawjbanh denlij haihag haggeiz seizcou. Dang ngoenz, aen hag neix gawjbanh ciengz denlij haihag mbouj ityiengh he, banh miz yiengq Gungswj baiqlaex, yiengq lauxsae baiqlaex, vwnzyi biujyenj daengj yizsi, son hagseng youq ndaw hagnieb daengzcog gingq bouxlaux, gingq lauxsae, son' gyauq gij lijnen son hag sien son vunz.

(Cwng Ciminj/郑智敏)



▲ Denlij haihag mbouj ityiengh.

Liujcwngz: Seizcou Nungzminz Dintwngz Doxdax

柳城：农民秋后赛技能



▲ Doxdax mbek cehmbu.

9 nyied 4 hauh, Liujcwngz Yen Cunggunghvei、Cailungz Cin Cwngfuj lienzhab haiguh cizgungh baijdaiz doxdax mbek cehmbu, 50 lai boux cunhminz faen baenz 13 aen cujiq daj Cailungz、Duzsiz、Gwnghsiengz daengj mbanj hingzcwng daeuj haenx, doxdax mbek cehmbu daengj hanghmoeg.

Ciuq cam rox, ndaem cehmbu、gyagoeng cehmbu dwg Cailungz Cin hangh canjyez moq hwngfat hwnj-daeuj he. Youq Cailungz Cin, aeu ndaem cehmbu swnghcanj gihdi Mbanjgwnghsiengz guh

cungsim, ndaem mbu' mbwn、mbuhau gveihmoz dabdaengz 240 moux, moix bi ndaej sou 15 fanh gaen cehmbu singisien, aeu hawciengz gyaqciengz 5.3 maenz/gaen ma sueng, canjciz yaek gaenh 80 fanh maenz.

Mbat doxdax neix langhyienj le cwngzgoj fungsou daegsaek nungzyez, fuengbienth cunhminz doxgyau saenqsik baenzfouq caeuq doxgap.

(Dwng Gwzyi/邓克轶)



▲ Yenjyenz youq gwnz daizheiq yienjheiq.

Sanhgyangh: Heiqdung Cunzyienj Nyinh Sim Vunz

三江：侗戏巡演润民心

Laebdaeb geij ngoenz daeuj, Sanhgyangh Duncuz Swciyen Feihyiz Cungsim cujiz “doih mbaeumbengq vwnzyi” bae daengz Linzhih、Duzdung、Dungzloz daengj yangh cin haiguh conzdungj Heiqdung 《Fujgvanh》 roengz mbanj cunzyienj hozdung, vih Duncuz beksingq soengq bae cwngcwz dangj, soengq bae vwnzva, soengq bae angqyangz.

Geij bi neix daeuj, aen yienh neix roengzrengz gyarengz guh vwnzva banggunz caeuq vwnzva ikminz, doenggvaq ca cwndi, ca swnjciengz, ca doxdax, ca langhyienj daengj banhgap, lingzvued haiguh “daizheiq vwnzva mbanjmbanj guh、hagdangz feihyiz ndwenndwen hwnj、soengq heiq roengz mbanj couhcouh yienj” daengj hozdung, roengzrengz vih vunzlai soengq hwnj “donqngaiz ruzceiq”, roengzrengz bangcoh bak leix Mbanjdung beixnuengx dwkhingz dwkndei ciengz ciengq vutgunz gunggeng neix.

(Gungh Bujangh/龚普康)